

Informativni letak - IMPHACT

Interreg - IPA CBC 
Croatia - Bosnia and Herzegovina - Montenegro
IMPHACT



IMPHACT – Poboljšanje kvaliteta i dostupnosti usluge palijativne zdravstvene njege u prekograničnom području

Informativni letak br. 9

Dragi čitaocē,

Veliko nam je zadovoljstvo predstaviti deveto izdanje IMPHACT novosti.

U projektu IMPHACT, finansiranom iz programa Interreg IPA CBC Hrvatska-BiH-Crna Gora, 4 partnera: Dom zdravlja Metković kao vodeći partner, Dom zdravlja Ljubuški, Dom zdravlja Zenica te Dom zdravlja Podgorica zajedno rade na poboljšanju kvaliteta i dostupnosti palijativne zdravstvene njege. Poboljšanje usluge postići će se ciljanim ulaganjem u novu opremu, uspostavljanem novih usluga, razvojem procedura, alata i smjernica potrebnih za unaprjeđenje usluga u regiji, izradom e-platforme za podizanje svijesti građana o palijativnoj njezi te implementacijom nacionalnih i međunarodnih standarda, kao i edukacijom zdravstvenog osoblja, socijalnih radnika i porodica.

Svrha ovog informativnog letka je obavijestiti vas o napretku projekta. Ukoliko želite saznati najnovije vijesti vezane za projekat možete nas pratiti na društvenim mrežama - Facebook, Twitter i LinkedIn.



Sprovedene aktivnosti u prethodnom periodu

U proteklim mjesecima partneri su nastavili sa projektnim aktivnostima i redovnim sastancima. U ovom izvještajnom periodu vodeći partner organizovao je online sastanak te je Javna ustanova Dom zdravlja Zenica organizovala edukativnu radionicu za socijalne radnike. Izrađene su i promotivne brošure projekta te tri edukativna videa koja su objavljena na IMPHACT platformi.


Online koordinacijski sastanak

Dana 10.12.2021. godine održan je online koordinacijski sastanak projektnih partnera. Glavne teme sastanka bile su aktivnosti sprovedene u prethodnom periodu, implementacijske i komunikacijske aktivnosti te dalji koraci.

Partneri su raspravljali o izradi i objavi materijala za e-platformu poput dokumenata čija svrha je poboljšanje palijativne njege u regiji te edukativnih videa za zdravstvene radnike, socijalne radnike i porodice palijativnih bolesnika.

Partneri su postigli dogovor i oko aktivnosti koje se moraju sprovesti u sljedećih nekoliko mjeseci. Prema planu partneri će u ovom izvještajnom periodu organizovati sastanke i radionice koje za cilj imaju promovisati projekat te angažovati i edukovati zajednicu.

Studijsko putovanje u Portugal planirano je za prvu polovinu 2022. godine, a četvrti STC sastanak održaće se u četvrtom mjesecu 2022. godine u Metkoviću. Sljedeći online koordinacijski sastanak održaće se online u prvom mjesecu 2022. godine.



Radionica za socijalne radnike - Zenica

U sklopu projekta, 11.11.2021. godine, održana je edukativna radionica palijativne tematike pod nazivom "Definicije osnovnih pojmova i modeli organizacije", a namijenjena je socijalnim radnicima.

Predavanje je održano u multimedijalnoj sali Doma zdravlja Zenica, a predavači su bili prof. dr. sc. Marijana Braš, prim. dr. med. i prof. dr. sc. Veljko Đorđević, prim. dr. med. sa Medicinskog fakulteta u Zagrebu.




Edukaciji su prisustvovali radnici Doma zdravlja Zenica, socijalni radnici JU "Centar za socijalni rad" Zenica i osobe koje se brinu o starim i iznemoglim osobama na području grada Zenica, a svi učesnici dobili su sertifikate o završenoj edukaciji.



Edukativni video zapisi

U sklopu IMPHACT projekta izrađena su tri edukativna video zapisa koji za cilj imaju informisati određene ciljne grupe o palijativnoj njezi. Video zapisi su namijenjeni zdravstvenim radnicima (ljekarima i medicinskim sestrama), socijalnim radnicima te porodicama palijativnih bolesnika. Edukativni materijali dostupni su za besplatno pregledavanje na IMPHACT platformi.

Video materijale možete pogledati [ovdje](#).



Edukativna predavanja na video zapisima prezentirana su od strane renomiranih profesora Medicinskog fakulteta Univerziteta u Zagrebu:

Prof. Marijana Braš, psihijatar, subspecijalist psihoterapije

Rukovodilac vijeća predmeta palijativne medicine na Medicinskom fakultetu Univerziteta u Zagrebu

Prof. dr. Veljko Đorđević, psihijatar, subspecijalist socijalne psihijatrije

Suosnivač Centra za palijativnu medicinu, medicinsku etiku i komunikacijske vještine Medicinskog fakulteta Univerziteta u Zagrebu.

Virtuelna doktorica

U sklopu IMPHACT projekta izrađena je Virtuelna doktorica koja za cilj ima objašnjavanje osnovnih termina i principa iz palijativne medicine.

Virtualnoj doktorici može se pristupiti preko IMPHACT e-platforme, a informacije su podijeljene u tri kategorije:

- Pitanja članova porodica
- Pitanja koja postavljaju bolesnici
- Medicinska pitanja

Više informacija možete saznati na [e-platfomi](#).



U sklopu projekta izrađena je brošura koja za cilj ima promovirati IMPHACT projekat.

Brošuru u elektronskom obliku možete prelistati [ovdje](#).

Društvene mreže

Najnovije informacije o projektu IMPHACT možete pronaći na društvenim mrežama!



IMPHACT promotivni video možete pogledati na društvenim mrežama IMPHACT projekta ili na [YouTube kanalu](#).

Osnovne informacije o projektu

Naslov projekta/akronim: Poboljšanje kvaliteta i dostupnosti usluge palijativne zdravstvene njege u prekograničnom području / IMPACT


Ukupna vrijednost projekta: 890.347,40 EUR

Iznos koji sufinansira EU: 756.795,29 EUR

Period sprovođenja projekta: 01.07.2020 - 30.06.2022.



Prioritetna os: 1 Jačanje kvaliteta usluga u sektoru javnog zdravstva i socijalne njege



Glavne ciljne grupe su:

- Pacijenti sa terminalnim bolestima
- Liječnici i medicinske sestre
- Socijalni radnici
- Članovi porodica pacijenata

Rezultati projekta:

1. Funkcionalna e-platforma s virtuelnim doktorom
2. Sprovedena 4 specijalna edukativna treninga o palijativnoj njezi
3. Specijalizovani trening za korišćenje nove medicinske opreme
4. Poboljšanje usluga palijativne njege u regiji
5. Poboljšanje usluga dijagnostike za najranjivije grupe i razvoj novih usluga

Projektne aktivnosti implementiraće se prekograničnom saradnjom tri susjedne zemlje koje dijele isti problem - nedovoljno razvijenu uslugu palijativne njege. Vodeći partner je Dom zdravlja Metković, dok su projektni partneri Dom zdravlja Ljubuški, Javna zdravstvena ustanova Dom zdravlja Podgorica i Javna ustanova Dom zdravlja Zenica.

Interreg - IPA CBC

Croatia - Bosnia and Herzegovina - Montenegro
IMPACT



Za više informacija možete posjetiti stranice projektnih partnera ili se obratiti na mail:
impactproject@gmail.com

Projekat je sufinansiran bespovratnim sredstvima ERDF i IPA II fondova Evropske unije.

"Ova publikacija nastala je uz pomoć Evropske unije. Za sadržaj ove publikacije odgovorna je Javna zdravstvena ustanova Dom zdravlja Podgorica i ona ne odražava nužno stavove Evropske unije."